

摘藻堂四庫全書薈要

史部

欽定四庫全書叢要

史部

硃批諭旨卷二百十六之四

臣紀昀詳校
詳校官編修臣繆晉

欽定四庫全書薈要卷八千二百十三

史部

硃批諭旨卷二百十六之四

硃批趙宏恩奏摺

雍正十二年六月初十日江南總督臣趙宏恩謹


奏為恭謝

天恩懇准

陛見事六月初九日准吏部咨文奉

上諭趙宏恩著實授江南江西總督欽此移咨到臣隨

恭設香案望

闕叩頭謝

恩訖竊臣至愚極陋識淺才微四載楚南涓埃未報兩江事務甲於天下以臣之庸暫署或可勉力圖公久任必致拮据覆餗貽誤重任實非淺鮮臣雖庸愚之至尚有自量之識聞

命自

天惶悚無地捧咨驚惕寤寐難安惟有謹遵

諭旨凡事不可預存難易之想但勇往直前秉忠循理
辦去罄此心血夙夜靡寧以仰副

聖訓於萬一倘至心神竭蹙圖維力絀而實不勝任之
時再行據實直陳虔懇

聖恩另簡賢員以副重寄斷不敢少存繫戀之心以誤
國計民生之重大者也三省要務有必須面請

皇上指示以開茅塞以益封疆者仰懇

聖恩准臣於十月初間親詣

闕廷敬聆

聖訓庶犬馬戀

主之心得遂仰

聖瞻

天之願矣蒙

陛見之行今且不必

恩允臣所請其總督印務應否嵇曾筠魏廷珍暫署之

處併請

皇上訓示遵行臣趙宏恩謹

奏

覽奏謝可謂詞能達意矣然不在空言惟務實行為要

同日又

奏為恭謝

天恩事臣蒙

御賜翎冠悅心集

御選語錄寧綉袍褂紫金錠等藥臣恭迎郊外虔設香

案望

闕謝

恩跪領訖欽惟我

皇上聖學淵深窮微洞本

慈訓剴切破礙開蒙頂禮

御冠目睹紅燦珠光之瑞手擎雀尾心生鳶飛魚躍之

歡

上方降異品之香咀味頓忘暑癘內織極天工之巧衣

身永錫安寧誦

語錄冊而識生滅俱無臣愚有欲透三關之想讀

悅心集而知虛靈不昧臣愚有頓開百障之思仰欽

道妙菩提選前禪而擇要敬思

機原本分啓後學以破叅臣質庸愚妄希解脫

聖恩高厚特賜提持惟有齋心虔誦認性求源期由善

因以招慈果謹遵

殊批太上所謂忘其身而身存之

諭旨天公矢慎竭此血誠以仰報

聖恩於萬一耳為此恭謝

天恩謹

奏

斯事無他不過自究自心之道耳如果篤信研求必有
所見一有真見自然默會非倚仗語言文字而可明者
亦非向人取討指證而強以為是者誠能造詣不疑境
界自有一番真實解悟處汝信及此一事肯盡力體認
乃極妙之舉百無所妨試勉力叅究看

同日又

奏一江寧於六月初四初五日連得大雨四野霑足甚副民望惟省城一時積水深至三尺有餘城牆些須坍塌民間土牆房屋亦坍塌數十餘戶幸各處溝渠臣於二月間行令修浚深通雨畧停歇立即消洩無遺所坍塌城垣應即修補房屋各戶亦已賞恤臣虔誠祈晴仰仗

聖恩自初六起已連獲清明臣復細查各鄉高田禾苗

得雨倍茂低田久插之禾為雨瀰漫旋即消落惟
最低田內初插之禾間被泥水漫壓恐難復長詢
之農民僉云此地原有紅稻歷係六月十五前後

栽插其漫壓之處補插紅稻秧苗仍有收成理合

聞近

日江省雨水過多朕心深為廛念將確實情形備

一并奏

聞細分晰具奏以聞

一江省前有數縣呈報蘆葦叢中蝗蝻萌動旋即
撲淨等情今據揚州府知府蔣嘉年等報稱各處

蝗蝻俱已捕淨且五月十四五日連得風雨二十
一二等日風雨間作衝無遺類督令人夫尋至蘆
葦深處蝻子皆抱草自僵等語臣仍通飭不時搜
防外合再奏

聞好

一安徽省屬貢監生員盛朝等呈請分闈臣查事
屬難行惟照順天鄉試之例上下兩江酌量分額
取中似為妥便已與撫臣王紘面商經王紘備晰

會摺奏請

王紘識見似屬迂執爾意以為何如

聖訓理合陳明

一臣奏摺歷係實封夾板進

呈仰懇

皇上賞賜摺匣六箇竝西洋鎖鑰以便輪用封

奏更為慎密理合奏請

睿鑒謹

奏

摺匣應早行奏請何乃遲至於今

同日又

奏為江南港渠亟宜普修以全水利以廣

皇仁事竊照江南水利屢蒙

聖諭普加修浚仰見

聖主軫念民依有加無已臣查淮揚諸河及通州閘壩

現經興修完備蘇松常鎮之婁江吳淞江白茆徐

六涇劉河七浦河等處并各閘亦俱蒙

皇上命發帑金興修完竣商農樂利萬世蒙庥惟民田

以內一切支港小渠萬派千尋皆承流於大河通
聯於潮水旱則引潮以灌田苗澇則歸河以消積
水關係竝重其利亦溥祇因港渠既多地更深僻
工程碎雜費用零星故歷聽民間自為修濬難以
一一動帑興修無如小民勤惰不一年久竟同道
旁築舍潮沙積漸淤塞日甚臣經臨蘇松常鎮一
帶留心察勘在在皆然必須即為逐細疏濬一律

深通庶港渠湖河內外暢達旱澇兼資同收鉅效

博採輿情無不樂於興舉查江省歷來私派貼費

陋規每縣盈千累萬今臣清釐酌草民力已得寬

舒所有此等土壩土洞似應即從今冬為始勸民

循照舊例按田派土業戶給食佃戶出力逐一興

修明白開導勸督之下百姓諒必踴躍趨事至此

項工程查有部員程夢瑛謹慎勤勞實心辦事可

以總理相度臣亦加意察督其分任更需多員方

能細為查勘逐加勸諭現在州縣各有刑名錢穀諸務各府同知通判州縣佐雜并試用等官亦各有本任事件及別項緊要工程差委難以分身且恐濫差書役需索擾累再四思維惟有倣照河工及前署督臣尹繼善辦理海塘將情愿効力之人題請赴工之例有生長沿河及曾任沿河因公呈誤之員或向隨工員在河料理熟習河務及熟習風土之人具呈情願効力者考驗確實

題請差委如能勤慎任事工竣

題明酌量錄用倘有怠玩即行叅處又蘇松沿河塘
路坍塌行旅艱難民田亦少保障或勸民力并修
或動公項支應亦須漸次經理臣已備行藩司查
案妥議俟覆到另為具

題但臣識見短淺未知當否理合先行奏請
聖訓遵行為此謹

奏

覽奏已悉具題到日有旨

雍正十二年六月二十五日江南總督臣趙宏恩

謹

奏一江西積欠錢糧雖非江南數十萬可比然多者每至二三萬少者亦至數千上下其積欠難清之弊祇因平日推收不清戶名不確凡糧戶已經完納者竝不逐日按戶掛銷甚至實徵冊止列每都每圖總數一條竝無花戶完欠細數流弊年久業

戶疊更無從根究交代之時因循接受臣訪聞此

弊疊經嚴查申飭已往者務宜設法徹底清釐其

此弊

亟應盡力革除

新糧尤貴拔本塞源力除錮弊在案

一江西清查積欠案內有已經查出之包侵銀兩

先經撫臣謝旻

題請再限一年完交如限內不完即照包攬侵盜錢

糧例治罪未完銀兩著落失察各官分賠臣查包

侵銀兩自展限以來完者甚少留心訪察類多年

是

老貧窮無力完交從前府縣各官漫無覺察難以寬縱臣已經嚴飭布政使將失察各官造冊請叅著落分賠庶免年久無著俾現在各府縣亦稍知儆惕矣

一積欠錢糧率多零星小戶僅止數分數釐者前經廷議准行每銀一釐聽從民便准收制錢一文此誠便民省費良法乃姦胥以完錢既無從壓戮重收而銀匠更無從傾銷勒索遂造謠言以錢價

零星

貴賤之說往往阻撓更張臣查定例銀錢兼收原

方官

從民便竝未令大戶一概完錢如果完銀較省則

數目

小民自必交銀孰肯用錢完納如完錢省費聽彼

明降

諭自願又何以錢代銀之理此在汝等酌量為之非朕

從民便此不獨姦胥銀匠無從勒索而積欠中之

零星尾欠小民亦必踴躍完納矣

一江西山僻州縣類多棚民耕山種地日漸開墾

陞科且棚民之糧較土民完納尤先安居樂業讀

書愈衆凡入籍二十年以上者雍正九年荷蒙

皇恩准其額外考試入學在案臣訪聞土著佻達豪強

之輩多以異籍之民遇事欺陵臣思棚民入籍既

久又復急公完糧即屬良民豈容若輩欺陵臣推

廣

好皇恩一視同仁現在密諭藩臬二司轉諭各府州縣加

意撫綏化導務期彼此相安共享昇平之福為此

謹

奏

覽

雍正十二年七月初六日江南總督臣趙宏恩謹

奏一江寧六月初四五及初九等日雨水過多臣即

查勘賞恤并太平寧國常州鎮江等府呈報雨水
大概情形一例查辦緣由俱經繕摺具

奏今臣細查上江寧國等府州屬之南陵太平臨淮
和州涇縣六安全椒及下江鎮江等府屬之丹徒

丹陽六合江浦金壇句容江陰昭文通州溧水等
十餘州縣受水稍重俱有被雨浸塌房垣之家通
州泰州兩分司所屬各場草房鋤舍亦有衝塌臣

又飛飭分委幹員攜帶公項飛往會同地方官細
查窮民窮竈分別賞助修整俾各安居樂業間有
浸塌城垣營汛墩房亦在督修竝此外上江繁昌
蕪湖當塗桐城無為鳳陽等州縣衛下江之儀徵
武進無錫元和吳縣太倉等州縣衛各被淹低窪

田地俱在嚴催委員上緊會勘撫恤一面將已涸
出田地俱令補種紅稻晚稻仍有秋收本年二麥
已獲豐收民食原屬充裕恐間有食指浩繁因而
籽種缺乏者俱勸業戶幫給或動公項賞助務期
鄉農亦得安業并將是否成災之處呈報江
西之浮梁彭澤上猶三縣呈報山水亦經飭司查
恤此外有無被水之處并令通查去訖有等地棍
劣衿刁軍惡佃動輒串捏詭名架砌重情號召鄉

愚紛紛告災意在抗賦冒賑減課騙租此等積習

兩江尤甚竝飭印委各官詳加查察總期秉公據

實不得絲毫諱捏庶窮黎咸沾實惠帑項不致虛

糜再江寧地方自初十日至今天氣晴明各屬有

稱十一十二日大雨者有稱二十一二十二日大

覽淹

沒各情形深為憫惻被災窮黎亟須設法賑恤務

令獲

雨者除被水州縣沿江低田尚未退盡外其餘州

縣稻苗茂盛雨水充足合并陳明

一准工部咨奉

旨嚴拏行賄作弊之學習行走張豐功臣密行各屬指
示設法嚴緝已據廣德州州判孔傳樞拏獲臣隨
飛飭嚴押赴省即行給咨解部并飭沿途文武小
心遞護所有要犯張豐功現經拏獲起解緣由理

合

好

奏明

一松江府屬民人常有逞兇打降之徒且多蓄藏
鐵錘拳心等兇器以致遇事爭鬪命案疊見此風

誠難漸長臣已嚴行示禁并令自繳鐵器倘再怙
惡不悛即行摘拏嚴懲理合

是

奏明

一下江揚州等屬前報蝻子萌動旋即撲捕及蝗
蝻因風挹草自僵等情形節經摺

奏茲據上江之靈璧虹縣各報上年被水湖地之內
產有魚子晴涸日久變化為蝻分路撲捕緣六月
二十一日大雨生蝗之地又復積水成湖蝗蝻多

浮水面現在涉水撈捉已獲十之六七等語臣恐
有捏飾怠忽隨又選差臣標守備四員分往該二
縣協查督捕務期刻日捕淨以免貽害田禾理合
奏明謹

奏

觀蝗蝻十獲六七之說仍屬未盡其竭力督飭該有司
務俾撲滅無遺倘少涉踈慢致令飛揚為害則責歸汝
等大吏也毋忽

同日又

奏一田房稅契定例由布政司印發契紙契根聽民
買田填納乃聞有不肖州縣官後將契根藏匿不
令上稅之人親填於收稅之後起解稅根之時任
意更換戶名短填銀數仍肆侵隱民間偶有爭訟

汝緣

呈驗契紙比對底號常至互混不明拖累尤屬可

民買

不肖州縣藏匿侵隱起見以為不如槩發鋪戶聽

閔臣擬做照錢糧聯串之式將司印契紙契根騎

縫之上刊明字號仍空留人名及稅銀數目概發

等其更換戶名短填銀數各弊能嚴杜絕耶況猶

鋪戶聽民買用立契之時即將紙契紙根一樣書

行已久無益之更張徒滋紛擾可以不必務奉之道無

寫并於騎縫空處將買戶典戶姓名上稅若干指

過察吏安民督撫但能姑息不肖牧令俾得久玷職

寫大書投縣用印之後分中縫開一給上稅之人

任剝削黎元則此等微細弊端不絕自正不除自止矣

一隨稅銀彙解查核庶藏匿契根與改多填少之

從來有治人無治法一切施措惟向根柢處探求無庸

弊可杜現在飭司酌議理合恭請

於枝葉邊搜剔也

皇上訓示如其可採并乞

敕行各省畫一施行

一臣查上江之南陵縣地方向有潘茂先崇尚三

乘教又名糴粃教其實即係羅教茂先久故近聞
伊子潘玉衡又在合肥縣民夏公祥等家往來意
在煽惑復教當經合肥縣將夏公祥等拏懲而潘
玉衡先已他往臣以事闖邪教隨密委安徽道梁
需祀於潘玉衡原籍并各處設法躡拏務獲究治
有無黨從惑衆之人嚴拏并處如有無知男婦偶
墮其術者許令自首改正庶根株可淨地方寧謐
理合先為

是
奏明

一欽奉

諭旨著臣切諭張勤望洗心滌慮痛改前非等因臣隨
調寧國府復任知府張勤望到省宣揚

聖諭張勤望跪聽之下稟稱八年京職未有片長初膺
郡守徇庇屬員種種不職例應處分荷蒙

皇上垂念先臣曲賜矜全惟有凜遵

恩旨恪守官箴不敢再負

聖主殊恩等語臣又切加誠訓爾父爾叔行為萬萬不可效法當即令其回任仍不時申訓密察理合

奏明謹

奏

更宜留心察其向後行為倘怙終不悛弗能奮勉為一良吏據實奏聞至若無心小過猶可原恕者但時加訓飭以成全之

雍正十二年七月二十一日江南總督臣趙宏恩

謹

奏一欽奉

硃批王紘識見似屬迂執爾意以為何如欽此臣見王

紘兩次曾與細論地方之事誠如

聖諭為人迂執王紘非率忽人也所慮者瞻徇與否耳再加審觀具奏但曾作知縣藩臬其於吏治頗覺諳練查其現辦事件皆恪守成規亦無瞻徇率忽之處

以聞

理合據實奏

聞

一欽奉

硃批聞近日江省雨水過多朕心深為厯念將確實情

形備細分晰具奏以聞欽此臣查江寧府六月初一

至初三日小雨初四初五大雨兩晝夜方停初九

日大雨餘日晴明并各府屬有云初三初四初六

初九十一十二二十一二十二等日大雨河滿溝

平近河近湖窪下之田多被淹浸俱經節次奏

聞在案又查下江山田四分中田三分窪田三分經臣

節次查詢俱云窪下之田多半退出山田茂盛之
至等語上江山田多半中田窪田共居少半沿河
之田農民年年預防多備黑稻以為補種之計目
今兩江窪處凡退出田土俱已補種其尚有積水
者統俟退清方可定局其民間浸塌房屋俱經差
員查勘確實分別賞恤又各屬米價一兩以上至
一兩三四錢不等人民安業合并陳明謹

奏

覽奏知道了

雍正十二年八月初六日江南總督臣趙宏恩謹
奏一據鳳陽道李如蘭稟稱經過懷遠鳳陽臨淮靈
璧宿州虹縣今歲年景土人俱稱十分豐稔往歲
僅收六七斗者今歲可得一石秫秫粟穀現已成
熟稻苗雜糧各皆茂盛又聞潁亳泗等屬亦頗相
同間有水淹之處非逼近淮河即地勢窪下原於
豐年無礙等語又據差察賑恤同知蘇士俊等稟

覆相同僉云上下江各屬高中田地禾稻雜糧現

在暢茂結實理合奏

聞絲

毫不可粉飾

一上江靈璧虹縣蝗蝻萌動臣飛委標下守備四

員分往協捕今已據報乘其未曾長成之時俱已

撲淨禾苗毫無傷損臣仍飭地方官不時察防外

理合奏

聞已悉

一三省倉庫恐有虧那例應不時盤察其州縣已

經報支報解銀米臣又訪有壓批遞那掩蓋之弊

隨經嚴行察攷昨已查出泰州阜寧二州縣有虧

那壓批情事當即會叅一面又行藩司移飭該管

道府各將所屬錢糧倉穀上緊察盤如有虧缺弊

混即行詳叅追補如無未清亦限兩月結報臣仍

密加察訪倘道府稍有回護扶徇自當另委隣道

涓涓

不塞流為江河毫末不扎將尋斧柯防微杜漸之
隣府遞盤庶防微杜漸各員知做理合

語

是
奏明

一上江茶引每引例徵紙價銀三釐三毫各屬官
役人等額外苛索使費每引合算竟至二三分及
錢餘不等經臣訪聞隨即嚴飭通行禁革以甦商
累以清額餉合并陳明謹

奏

除弊即是恤商恤商方能裕課此舉好

同日又

奏一欽奉

上諭江蘇等屬多雨其加意撫綏從前動用倉穀作何
買補或將漕米截留若干以為備用等因臣查江蘇
等處本年雨水稍多低田間被浸損而高中田禾
實有豐收之象其被水人戶臣已酌量資助節次
奏明又慮新穀未登市價增長并令將倉穀破例多
糶在案茲蒙

聖諭隨又切飭加意料理不致窮民失所至各屬從前

糶賣動用以及現今多糶之穀江南戶口殷繁低
田收成又薄自應俟秋成仍於隣省產穀地方買
補但恐一時採買過多有妨隣省民食隣省之價
一昂則商販自不能流通來江江省亦必因而受
累若得量截漕米以備將來湊糶之用或將被水
州縣漕糧酌量折徵則米存於民其倉穀可以相
機酌買各省民食均足而蘇松常鎮大修渠港臣
已欽遵

硃批具題俟部覆一到即便舉行各該屬窮民可以趁
工謀食又遇米多價賤家口亦得分潤飽餐但漕
糧攸關

天庾重計亦未敢遽議多留容臣與漕臣魏廷珍臣撫
高其倬等再加察議或截留或折徵酌量確數另
行會奏請

旨理合先為

斟酌允當會奏以聞
奏明

一臣摺奏兩淮鹽務套壓情形荷蒙

諭旨指示周詳

臣

當與鹽

臣

高斌和衷協力善為經理

其緝私一節在於嚴場竈過隣私

臣

已節次申飭

并咨會湖廣河南浙江督撫臣一體察拏嗣訪有

竈戶私頂場役梟徒鑽充鹽快暗通煎運并拏獲

鹽犯混援貧難捏稱獨子希圖開脫等弊又經咨
行極力剔除其常鎮蘇松例行浙鹽地方亦有淮

私透擾

臣

仰遵

聖訓大公至正之意并經檄飭堵緝務期各行各地私販盡淨官引暢銷於商民均有裨益合再

奏明謹

奏

兩淮鹽務須大費經營汝與高斌竭力整頓殫心籌酌可也

同日又

奏為恭謝

天恩事切臣接兩淮鹽臣高斌札致荷蒙

皇上恩賞養廉三千兩欽此當即望

闕叩謝訖查江南總督養廉歷任督臣俱皆敷用而臣

家口頗少食用亦儉凡有親友不過少為資助其

一切賞兵及製辦營中器物粘補衙署差委盤費

等事之外約計尚有盈餘現在難以扣定統俟將

來另行查清奏

聞前據運使尹會一稟請鹽務養廉一事經臣切諭無

庸議

奏臣思疊荷

皇恩報稱彌難現在養廉尚屬浮多何敢濫邀

曠典已飭運使存貯運庫俟有公事需用之時再行支
取應用永為成例其於

國計民生均有裨益為此恭謝

天恩謹

奏

此在汝酌量為之亦不宜儉約過當涉於矯庶

雍正十二年九月初九日江南總督臣趙宏恩江

寧將軍臣吳納哈副都統臣伍納策謹

奏為

奏明事竊查前督臣高其倬臣吳納哈臣伍納策會

奏江寧滿洲水師添設船械一事欽蒙

皇上硃批具疏題請欽此臣趙宏恩到任准前督臣高

其倬密交接辦亦經

奏明在案今臣等公同細加商酌查原

奏請添脚船二十隻現隨修造沙船各本案添造至沙船一切器械內如火箭火斗噴筒綿被平時不需操演久貯恐防霉爛應緩製造其修換應用礮位添製藤牌牌刀挑刀共估工料銀二百四十六兩零飭司即於兩淮屯船陋費銀內動支造辦所有原請添設平頭小哨船六隻係因江中間有港汊沙灘沙船難到吧嘍船雖能行走船小頭尖不

勝風力起見今沙船現添脚船二十隻送錨坐籃其港汊沙灘吧船偶爾遇風難行此脚船亦可抽駕應用操習巡防已俱便利則平頭哨船一項可以不必重設現在節省銀一千七百餘兩俟將來吧嘍船有輪屆拆造者再行

題請照依平頭哨船式樣酌改數隻亦屬可行所有江寧滿洲水師脚船器械現今酌量添設并哨船此時毋庸重設緣由臣等謹再會同據實

奏明伏乞

聖鑒為此謹

奏

所議合宜

江南總督臣趙宏恩謹

奏為奏

聞事竊照江蘇等屬本年六月初旬雨水過多低田被

淹房垣間有坍塌臣仰體

聖慈酌量賞助平糶查勘撫綏疊經奏

聞在案現今高中田地頗有收成其水退稍遲間有不
能補種之窮民可於豐收之家相幫刈割餬口然
各屬戶口本蕃其中自有老弱疾病不能食力及
傭工肩挑無處又無資本貿易之戶若概俟冬初
開賑則此時即有忍饑之苦臣於委員勘水之初
即經飭令會同印官留心查賑昨又密飭各道員
順便親加撫恤但查賑之法務極周密救饑之道

寧厚勿薄更宜及時勤加料理又聞淮徐等屬近亦晴雨未均臣敬體

皇上浩蕩天恩隨又選差候補文職標下備弁共二十五員臣俱面為細加訓囑令其分往各該州縣衛場徧加查看遇被水之地再為宣布

皇仁逐戶撫慰使各勤工謀食其有老弱疾病不能工作及傭工肩挑無處又無本貿易艱於粒食之戶該委員立即會同印官於縣庫不拘何項動支酌

賑再加接濟以俟籌議煮賑其縣庫墊用之銀冊
報之日仍於司庫公項發補竝飭有力可支之家
不得藉端攪擾劣衿地棍不得冒災生事又示勸
富饒之家推重桑梓或借給資本或幫助米糧量
力樂從俟查明臣即厚獎數多者具

題議叙事闕民生重務惟有恪遵

聖訓悉心籌畫隨時經理切實撫綏總期黎民均無失
所恐塵

聖懷理合再為奏

聞謹

奏

此奏是其印委各員勤加訓飭務令實力為之

同日又

奏為奏

聞事竊臣風聞徐州府屬銅山縣胡家口地方有李郭
兩家搶奪高糧各統百人執持鎗械互相打降李

姓用鳥鎗打死郭姓二人郭姓用長槍戳死李姓
一人其餘死而復甦及身受重傷者亦復不少似
此雀角微嫌輒敢糾聚多人私用火器兵械肆橫
殺傷戕害人命大屬不法隨於八月十二日飛飭
司道府營查究嗣於十八日據銅山縣報係候選
州同李縉糾領佃戶打手多人爭割秫秫起釁等
語臣又細訪李縉係直隸督臣李衛堂弟而郭姓
以及縣民皆稱李縉弟兄素恃顯宦佔奪民業屠

害鄉里等語衆口如一臣思李衛受

主深恩竭誠報效素無瞻徇亦無偏曲斷不敢縱容族人肆行無忌以干

國典是以臣又據訪飭行務期秉公執法窮究既不使姦豪逞志欺凌良懦亦不得因係宦弟故為屈抑庶

國法昭彰而人心咸服矣臣未敢隱匿瞻顧理合先為奏

聞謹

奏

此事經李衛屢次備細奏聞於朕從前命李綺終養之旨正為此而發也於李衛奏摺中批諭甚悉且曾令伊密寄江省督撫臣閱看今事已到案汝其揆情酌理秉公執法審理具奏

雍正十二年九月二十二日江南總督臣趙宏恩

謹

奏為奏明事竊照寶應縣知縣李松泰因承緝不力
降一級調用奉

旨令臣等將伊居官如何之處出具考語送部引見欽

此臣查李松泰才具練達辦事勤慎不負尹繼善

薦舉之意隨經出考會同蘇撫臣高其倬給咨赴

部一經

聖鑒賢否立定但李松泰係臣堂妹之夫臣既不敢因

親謬舉亦不敢因親屈抑理合據實奏

聞若仍作臣屬員臣雖恪遵

聖訓不敢稍有瞻徇或李松泰借勢肆志及遇事退縮
或司道府徇情庇護及故意苛察皆未可定請俟

李松泰引

見之時如非能負例應調用如可任用州縣伏懇

聖恩用於別省庶李松泰得以盡力圖公將來或有造
就咸戴

聖恩無既矣為此謹

奏

候引見時酌定

雍正十二年九月二十八日江南總督臣趙宏恩

漕運總督臣魏廷珍蘇州巡撫臣高其倬謹

奏為遵

旨會議具奏事接大學士鄂爾泰張廷玉寄字內開雍正十二年七月十一日奉

上諭昨朕聞得江南常州府屬之無錫金匱等縣鎮江

府屬之丹徒丹陽等縣蘇州府屬之崑山吳江等縣俱因六月雨水稍多禾苗有被水淹浸者目今水勢漸退高田尚可補種而低處積潦未消時過小暑已難栽插等語朕欲寄信與趙宏思令其早為籌畫今覽趙宏思奏報江寧及蘇松常鎮揚州等屬多雨情形與朕所聞大概相同已據趙宏思奏稱飛飭地方官細加查勘酌量資助爾等可再傳朕旨令其加意撫恤毋使窮民失所朕又思江南地方既有積水未

曾栽種之處恐將來收成歉薄米價漸長民食維艱不可不預為計議聞蘇常各屬從前糶賣動用倉穀尚有未經買補足數者此時應作何買補之法以實倉儲或將明年漕米截留若干以為備用可密寄信與趙宏恩令其會同高其倬魏廷珍酌量本地情形悉心妥議具奏請旨欽此密寄到臣臣趙宏恩臣魏廷珍臣高其倬會查得江蘇省屬本年二麥頗有收成至六月初旬雨水偶多高中田禾俱可豐收

惟低窪田地被水淹浸內有旋淹旋涸之處即經
資助補插其積水未消之田秋成未免失望荷蒙
聖恩特諭加意撫恤補倉截漕令臣等酌量議奏仰見
聖主預籌民食至周極溥之至意臣等細查現今勘有
成災區畝之州縣係上元江寧長洲常熟昭文新
陽陽湖無錫宜興金壇丹陽溧陽溧水靖江通州
句容江陰泰州江浦六合等二十州縣然各該州
縣內俱有豐收之區畝並非合邑被水其勘不成

災之元和吳江震澤婁縣崑山青浦福泉武進金
匱荆溪丹徒太倉鎮洋泰興如臯等十餘州縣高
田既獲豐收低田亦有收成民食更覺無礙但江
蘇一省戶口夙蕃儲備必須寬裕查從前未買足
數并動糶各穀石今雖勒令照額買補現存倉穀
僅八九十萬石臣等仰體

聖慈再四酌議請將雍正乙卯年起運雍正十二年漕
糧截留二十萬石內於成災二十州縣各就近截

留一萬石或六七千石其不成災之各州縣亦每
縣量留三四千石將來市價稍有增長即將此米
平糶將價銀解部繼此又有倉貯及續買穀石以
為後應是被水地方民食既可常年有餘通省糧
價更可不致昂貴咸頌

聖主特沛浩蕩天恩實無涯際臣等謹合詞具摺陳
奏是否有當伏乞

皇上訓示再查成災田地該徵新舊條銀若即行徵輸

小民不無拮据似應緩至來年麥熟啓徵其雍正十二年應納漕南等米災田米既乏收民力現難輸將似應併懇

聖主格外施恩緩至明秋折納其不能工作貿易無錢糴食之窮民已動公項酌賞不致失所但寒冬初春須得量動倉穀接賑此數事亦成災二十州縣內現今實在情形臣等敬體

聖慈理合一併據實陳

奏統乞

聖鑒特敕遵行謹

奏

另有諭旨從內閣頒發

江南總督臣趙宏恩謹

奏一城垣關係緊要稍有坍塌即須修補其藉端冒
銷積習更須嚴加清釐臣到任之初查得省城城
垣向有坍塌缺昨值六月初旬大雨浸淋又有零星

續坍之處隨經飭委府縣及在城同知通判公同丈估茲據覆稱江寧省城城垣周圍五十七里三分計一萬三百一十四丈內新舊坍塌每處數尺及丈餘十數丈不等合計實共坍塌墻垣三百八十一丈零并門圈一箇將舊磚逐細全行清出抵用則物料大可撙節臣現飭動公項上緊興修另行據實報銷仍令同知通判監督又委標員日逐往還巡視以杜匠役侵料偷安等弊則工費亦可

省會城垣尤為艱脆所繫至應修理者至於公項雖與
庫帑有間亦宜加意節省毋使濫費

合

奏明

高其俾於此江蘇一任若仍因循故步持其下愚不移
心志以濟陰點自同伎倆一味市恩沽譽務做好好先
輒於正案正犯之外巧生枝節或稱尚有證佐某
生共事之際有牽制掣肘處當破面屬聲勸戒之倘猶
不知省俗即據實參奏以聞
到案另行起限希免叅罰種種支展必須徹底釐

正臣現在嚴行查叅并明立章程掃除積習其各

屬盜案或隱匿不報或借盜銷案或任意縱延不

緝不審臣亦在加意查催叅懲其弁兵有諱縱最

甚者提拏網打以懲積玩至於小竊案件官弁兵

捕視為無關叅罰更多悠延臣檢查檔案江寧一

府所屬自雍正六年至今通詳批緝未經報獲贓

賊者即有三百七十餘件一府如此各府可知小

竊不懲必至流而為盜臣亦嚴行通飭作速徹底

好

清查嚴行緝審去訖理合

奏明

一私鑄錢文剪燬制錢等項姦徒臣不時嚴督察
拏昨風聞安徽省屬繁昌縣深山之中有種姦徒
潛匿私鑄臣隨飛飭文武密往確查尚未覆到又
據江西按察司稟稱於南昌省城拏獲剪燬制錢
之徐旭生等已飭縣審等語臣亦飛飭嚴究夥黨
摺報并再通飭上緊察拏去訖理合先為

私鑄錢徒若不嚴拏重懲何由儆戒

奏明

一蘇松淮揚等處拐犯甚多迷拐幼孩肆行販賣
甚至割其肢體戕其性命臣到任以來疊飭文武
察拏并懸賞躡緝已經拏究數案茲又據川沙營
叅將暨南匯縣呈報盤獲拐犯王大等并被拐割
筋子女及船隻等項訊據直供食肉食腦殘忍之
惡殊堪痛恨臣隨嚴行究追夥黨併拏擬報其兵
役人等臣已給賞以示鼓勵并又通行各屬留心

查捕務淨根株理合

奏明謹

奏

兇殘同類其惡甚於豺狼當嚴督緝捕務淨根株毋留
餘孽遺害人世

雍正十二年十月初六日江南總督臣趙宏恩謹
奏為奏

聞事竊照江蘇安徽二省雍正十二年秋禾收成分數

催據各該司詳報前來查江蘇省江寧府屬收成

十分者十之二九分者十之二八分者十之二七

分者十之二六分者十之一五分者十之一蘇州

府屬十分者十之三九分者十之一八分者十之

二七分者十之二六分者十之一五分者十之一

松江府屬十分者十之三九分者十之五八分者

十之一七分者十之一常州府屬十分者十之一

九分者十之二八分者十之四七分者十之一六

分者十之一五分者十之一鎮江府屬十分者十
之一九分者十之三八分者十之二七分者十之
二六分者十之二淮安府屬十分者十之四九分
者十之三八分者十之二七分者十之一揚州府
屬九分者十之三八分者十之五七分者十之二
徐州府屬十分者十之一九分者十之二八分者
十之三七分者十之二六分者十之一五分者十
之一太倉州屬九分者十之一八分者十之三

分者十之五六分者十之一海州屬九分者十之二八分者十之四七分者十之二六分者十之二通州屬九分者十之一八分者十之二七分者十之二六分者十之三五分者十之二安徽省安慶府屬收成九分者十之三八分者十之五七分者十之一六分者十之一徽州府屬十分者十之六九分者十之二八分者十之一六分者十之一寧國府屬九分者十之一八分者十之二七分者十

之三六分者十之四池州府屬十分者十之一九
分者十之二八分者十之三七分者十之三六分
者十之一太平府屬九分者十之四八分者十之
三七分者十之二六分者十之一廬州府屬十分
者十之四九分者十之二八分者十之三七分者
十之一鳳陽府屬十分者十之一九分者十之二
八分者十之三七分者十之二六分者十之二滁
州屬十分者十之一九分者十之三八分者十之

三七分者十之三和州屬九分者十之二八分者

十之三七分者十之三六分者十之二廣德州屬

十分者十之二八分者十之五七分者十之二五

分者十之一六安州屬十分者十之一九分者十

之一八分者十之二七分者十之三六分者十之

二五分者十之一泗州屬十分者十之一九分者

十之三八分者十之四七分者十之二潁州屬十

分者十之二九分者十之二八分者十之三七分

者十之二六分者十之一亳州屬收成實有十分
至本年二省各有十餘縣內被水田地未曾計入
分數又江蘇等屬民間食米現今每石價銀九錢
至一兩二三錢不等安徽等屬米價每石七八錢
至一兩一二錢不等禾稻收成糧價平減百姓俱
各安業合併陳明為此謹

奏

今歲兩江地方除被水數縣外秋成豐盈如是

天恩可謂渥矣其未能普被均沾者究係吏治不純之故當盡力開導屬員俾化誨兵民各修職業果能文武和衷竭誠奉公行伍整齊閭閻安阜而

上蒼不賜嘉應無是理也然總在汝一人正已率屬庶幾上行下效於此若纖毫疑而未信視為渺茫則屬庸愚無識之人矣勉之

同日又

奏為奏

聞事接大學士鄂爾泰張廷玉寄字內開雍正十二年
九月十六日奉

上諭前據趙宏恩叅奏屬員摺內曾稱江南吏治廢弛
現在留心整理等語至其省屬內所有才守兼優之
員尚未見伊奏所以昨出揚州江寧知府二缺朕恐
伊正在整理試看之際京中又現不得人是以令王
士俊於河東兩省內揀選具奏或趙宏恩未必領會
朕意爾等可傳旨密諭知之至伊三省屬員內所有

確知可以陞用之員著伊隨時摺奏欽此密寄到臣

臣敬謹捧讀惶悚涕零仰見

聖主憐恤下情無微不至於如此周細之至臣雖愚劣之極亦未有不觸目動心感奮激切者益惟罄此心血毫無瞻顧時凜於

天地神明之前以仰副

皇上鼓舞訓誨之至意者也臣自抵任以來見江省吏

治廢弛上下欺朦於中摘其尤者嚴行叅處立即

通行三省俾得共知戒懼時而札諭時而面訓婉
轉剴切竭盡心思已歷八月之久而尚有邳州知
州呂大雅私收麩稅三千餘兩丹陽縣知縣甯承
謨任意婪贓亦至三千之多經臣訪實

題叅在案江南官民率多虛巧詐偽習氣已久原難
驟為改易其中固有才守兼優之員臣既鮮洞悉
之明又何敢遽為深信保薦臣惟不時留心聽言
觀行不敢稍有疎忽俟有實心辦事公忠報效可

以深信之負自當謹遵

諭旨隨時摺

奏不負賢負并勉諸屬共相奮興於

光天化日之下也臣謹據實奏

聞

所奏是舉直錯枉進賢退不肖正乃汝職恐不解朕意
因有前諭耳

同日又

奏一兩淮鹽政壓網之弊臣與鹽臣高斌現在協力

漸次清理所有緝私一事臣刻刻訪察刻刻申飭

半載以來各屬報獲私販三百八十餘案臣又訪

得興化鹽城阜寧泰州一帶地方有舢舨等船假

作乞丐或運糧食蔬菜或帶銀錢布疋等貨至各

場竈換買私鹽運至下河即有姦頑船頭串誘各

船索費領幫或十餘隻或二三十隻不等俱至淮

安寶應高郵等處賣與地棍搬運過洪澤湖西山

各集由僧道橋至青山頭下江發賣或由僧道橋
赴天長泗州衛各集販賣又邵伯鎮露筋廟等處
亦有頭家收買船艚船私鹽過湖大害齷政臣隨

飛行道府協營多撥弁兵快役在於總匯要隘處
所晝夜巡察盤詰遇有船船假充乞丐赴場收買

私鹽領幫結夥搬運興販立即嚴拏詳究務淨根
此舉甚好清理鹽政惟緝私一著為救本塞源之道且

株如能將領幫積棍拏獲稟報即行分別獎賞倘
可禁止愚頑不使漸流於匪非徒詳益課餉已也慮盡

敢庇縱養姦一經察出即行叅處至於清理場竈

力督飭屬官辦理者盤察引船一切事務尚須次第料理合併

奏明

一李縉與郭姓鬪傷人命一事因聞李縉係直督

臣李衛之堂弟臣以李衛必無縱族虐民之事隨

飭府縣秉公究審不得瞻顧枉斷亦不得因係官弟故為屈抑已經奏

聞在案今准直督臣李衛以李縉之爭鬪又由於伊親

兄李綰之授計主使必須併究業經摺奏欽遵

諭旨鈔錄差送到臣臣隨又密飭府縣等官一體留心
秉公查拏究擬去訖合再

奏明謹

奏

李縉一事前經批諭第當秉公執法審擬可也

雍正十二年十月十二日江南總督臣趙宏恩謹

奏一據崇明總兵官李燦報稱崇明縣地方多種木

棉本年棉花收成較往年頗豐其米價亦極平減

等語又據鳳陽府知府吳同仁稟稱鳳屬高中田地收成頗好米穀價平九月內民間望雨耕地種麥恰於二十一二等日各州縣俱各得雨民情甚屬懽忻等語臣又聞三省各府州縣現今米穀價值俱平晴雨及時百姓安業其六月被水區畝現亦撫綏得所恐塵

聖懷理合奏

朕懷深慰

聞

一雍正九年五月前督_臣高其倬任內接准福建

督_臣劉世明鈔錄摺

奏水師戰船舵工可否援照外委千把總之例亦准
給隨糧一分等因奉

皇上硃批此奏好與沿海各省督_臣會商行之欽此密
移轉行查議未覆_臣到任檢查檔案隨嚴行查催
去後嗣據蘇州布政使白鍾山查明江省有京口
崇明狼山川沙吳淞泰州掘港黃浦八鎮營額設

戰船俱係出洋巡哨向例舵工僅食戰糧一分但此出洋之舵工實為緊要出力之人與眾不同似應仰體

皇仁各給隨糧一分以示鼓勵等情詳覆到臣又即咨商署福建督臣阿爾賽以所議與福建現行之例相同咨覆前來臣現在咨明戶部兵部并移行京口等八鎮營知照理合奏

聞

可謂給所當給好

一鳳陽府屬人民游惰成性不勤耕織每於交冬之際多有攜帶婦女離鄉背井出外趕唱謀食不特荒蕪田畝更且穢汚身名大闕風化臣隨嚴行出示勸禁并令道府州縣留心察禁務使此等游民以及婦女痛改積習循分守業各安故土耕耘紡織毋得任聽拋家賤行漫無覺察致干叅究理合

奏明謹

奏

游惰之風理應禁止但相沿匪伊朝夕其間有應曲體
民情處酌量為之不宜遽施峻法朕意必先加以勸誠
俾各知其所行之非改業謀生有術然後繼以禁約方
為妥協若一旦即行嚴遏屬負或更奉行不善愚民必
致失所且恐懼法者多矣此不可不慮及者

雍正十二年十一月初七日江南總督

臣

趙宏恩

謹

奏一江省營務廢弛各營戰船馬匹最關緊要臣於

五月間經臨蘇常等營親加察驗并飭整理今已

半載而上江江西臣更未及親驗雖差武職往查

恐多牽制瞻徇臣今又密委三省附近各鎮標協

營之各知府知州親赴各該處將各項船隻逐一

查驗額數是否相符船身是否堅固風篷桅索槓

具什物是否齊全捕舵人等是否在船勤加苫蓋

澆洗如法有無損壞缺少以及怠惰不整之處據

實造冊如有赴廠興修者務查明係何月日興修

應於何日完竣工料是否堅實其巡哨者亦查明

係何日出巡應何日回營一併造冊齎報并令將

各額設馬匹逐一查看是否餽養臙壯足數有無

疲缺開具花名毛齒清冊如有侵缺即行嚴叅究

追臣仍一面留心察訪倘府州稍有徇隱臣即另

委道員覆查一有實據即將府州一併叅賠至各

營將弁臣俱已詳細考驗大半弓馬生疎逐一面

加訓飭令其加意操習其兵丁技藝臣亦不時申

飭將弁用心訓練如仍怠忽經臣摘調考驗一有

生疎軟弱之兵定將將弁一併叅處又本標兵丁

技藝生疎弓力不過三四箇力經臣時加親驗或

賞或責鼓勵羞辱之下漸加奮興技藝較前亦覺

熟練弓力已加至五箇力六箇力矣再各營一切

軍器亦在督令漸次修理以期營伍整齊理合一

併

奏明

一江省各屬收糧積弊多端臣平時檄飭面訓務期革除淨盡茲值開徵南漕糧米之時恐牧令等官利令智昏仍復巧索及蠹胥滑役巧計叢生累民守候乘機暗剝措勒包折隨又開列條款預行出示通發三省徧貼諭禁并屢諭道府不時巡歷稽查又恐道府或礙於情面或為家人衙役得賄朦蔽釐剔不淨小民暗受其害并又選差謹慎負

務須

送得人

不可

輕為

簡結

弁數人分往三省各州縣密查歷次所發告示曾

否實貼并暗中看其徵收情形是否悉照條約如

有故違或另有弊竇即行密稟臣仍加意察訪一

有實蹟立即嚴叅如差去負弁稍有狂縱洩漏徇

私諱捏察出亦即從重叅懲理合

奏明

一臣風聞鎮江府城內有金壇童生於十月二十

六日尚未黎明赴府應考經過旗兵所守柵欄旗

兵以未及開柵之時不肯即開而各童生即與旗
兵口角將柵欄推倒而去又聞有生童旗兵互毆
并羣赴將軍處喊訴之事臣以赴考生童理應遵
循禮法難容逞刁生事隨即出示嚴諭一面移行
確查起釁及有無互毆實情究報理合

奏明謹

奏

生童旗兵當兩懲之方足示公

同日又

奏為恭請崇祀火神以昭祀典以益民生事竊惟火神見於經傳列於五祀我

皇上懷柔百神京師亦有火神廟宇供奉致祭而外省祇為民間供奉禱祈未列正祀臣查祀典凡有功德於民與能捍大災大患者皆宜崇祀民間祈禱火神禳除火災頗有靈應似宜仰懇

敕下直省郡縣一體恭祭以展誠敬至火神廟宇各處

皆有應令地方官修葺莊嚴如有廟宇卑隘及未
曾立廟之處量動公項營建祭品儀注似應倣照
致祭風雲雷雨山川城隍壇墀之制查現今致祭
風雲雷雨諸神遵照部頒祭品每祭需銀二兩五
錢今若倣行亦請於各屬存公銀內照數動用著
為定額歲底彙冊報銷至每年應否春秋二祀或
應何時舉行并請

敕部定議通行以昭畫一臣識見短淺是否有當伏乞

皇上訓示為此謹

奏

此事汝等封疆大吏酌宜為之則可敕下直省通行是
何言歟

雍正十二年十一月二十日江南總督臣趙宏恩
謹

奏一江蘇省屬數縣窪地被水荷蒙

聖主大沛恩膏截漕緩徵并將應納漕南等米緩至明

秋折納乏食窮民再動倉穀賑濟臣欽奉

恩綸隨即出示飭發徧曉而被水人民忻聞

諭旨身沐

洪慈歡呼感戴淪肌浹髓臣一面現在恪遵

聖諭悉心料理督率有司將賑濟等務實力奉行務期
被水各戶均沾

恩澤外理合奏

覽
聞

一各處私梟有妨鹽政且恐流而為匪擾害地方
臣訪聞泰興縣之黃橋汎等處興化縣之大村等
處皆逼近兩淮場竈為積梟巨窩出沒之地而句
容縣更與例食浙鹽之丹陽丹徒等縣接壤向有
侷梟挑越散賣平日各該地方官弁兵役或受賄
故縱或畏縮不拏甚屬不合臣隨選差標員并令
各該地文武嚴督兵役奮勇擒拏今句容已獲梟
犯二十餘名興化已獲梟犯二十餘名泰興亦獲

梟犯十七名內興化縣梟犯繆瞎子等一起敢於
逞兇拒捕當有兵丁劉萬卿一名奮力尾追受傷
身死句容梟犯亦有余孝等一起以挑鹽扁擔拒
捕經各兵併力擒獲而兵丁胡實一名受傷似此
兇頑梟徒法更難寬若仍交各該地方官承審恐

此種

又因循積習延擱開脫隨一面飛令將已獲各犯

今免脫

全行解省分案飭發江寧道府等執法嚴究就近

招解應具

題者臣即審

題其原非拒捕夥內罪僅徒流者即行照例批發遣

配以示懲儆其竭力擒拏之負弁兵役臣俱令動

好效

力兵弁應重加獎賞者支巡費分別獎恤至此此外各州縣私梟積窩亦在

上緊查拏并飭不得妄拏無辜驚擾地方在案理

合奏

聞

一三省吏治營伍臣惟恪遵

天

聖訓竭力整理愈久愈嚴以期所屬文武各自警惕漸

而竭力整理初非有意嚴也假如禁之即止令之即行

風行草屢置郵傳命猶不足以喻其相字之速則嚴之

聖諭裕課恆商二者兼善其盈餘等項務宜據實報出

一字何所用之若乃於法之將布政之初施先存愈久

愈嚴之念則誤矣或存先嚴後寬先寬後嚴之念更誤

矣寬嚴二意豈容逆蓄於衷哉但為直秉公以對越

撫臣王紘稽查江蘇省屬如揚關海關俱係道員

地神明盡心循理而行前途總不計料能如此朕可保

終始無咎無往而不利貞也勉之

州關有地棍把持而關後亦有奉行不善之處隨

州關有地棍把持而關後亦有奉行不善之處隨

州關有地棍把持而關後亦有奉行不善之處隨

州關有地棍把持而關後亦有奉行不善之處隨

州關有地棍把持而關後亦有奉行不善之處隨

州關有地棍把持而關後亦有奉行不善之處隨

殊此附音

五十五

經嚴行查究龍江許墅淮安三關恐有姦商隱漏
地棍把持臣亦凜遵

聖諭嚴督地方文武加意協巡而龍江一關近在省會

臣准監督咨移又經遴委標員赴彼幫辦巡查更
無岐視但三關有無疊索暗侵之處緣各監督俱
係內務府人員歷任督撫間多趨承瞻顧臣受

聖恩深重不敢稍避嫌怨因循積習亦在留心暗訪倘
有實跡亦自另為據實奏

聞合并陳明謹

奏

不避嫌怨據實奏聞方是

同日又

奏為據實奏明事竊臣於雍正十二年十月初六日

接據江西南昌鎮今陞福建建延鎮總兵官李蔭

樾鈔錄摺奏南昌鎮營修理甲械等項事宜奉

硃批言之督臣欽此密送到臣查李蔭樾原

奏內稱南昌鎮標前後二營并城守水師二營腰刀
請動司庫銀兩打造盔甲旗幟烏鎗藤牌虎衣虎
帽號衣號帽等項應動公糧鹽規地租修製不敷
之銀先於司庫借墊并自行捐補等語臣查江省
各標鎮協營甲械荷蒙

聖恩准留公糧修製各營已經陸續製造其未經修完
者俟續收公糧補修其腰刀亦應於公糧內動支
不應重費司庫銀兩且庫帑不便擅那兼恐各鎮

營俱援例請借司庫亦難為繼又查該鎮所估尚
可核減因李蔭樾旋即陞任隨令接署南昌鎮事
康華齡再加查估今催據康華齡等覆稱細查李
蔭樾估修四營旗幟俱係雍正十年動支公糧新
製之物棉甲亦有新製者均屬堪用毋庸重造藤
牌兵丁已有衣帽毋庸換製虎帽虎衣其弓箭鳥
鎗兵丁之號衣號帽歷係各兵自製亦無庸更張
糜費其餘尚應找修之甲械督同四營將弁覆加

確估實僅需銀一千九百餘兩李蔭樾原估二千
八百四十六兩今核減銀九百餘兩等情是應找
修甲械費銀既已核減應令將現今實存公糧速
行製造腰刀亦即動製不敷之銀於雍正乙卯丙
辰年公糧內陸續修理即可齊全其李蔭樾到任
未幾即勉力捐銀三百餘兩誠屬急公但伊在南
昌僅有月餘奚堪如此重捐臣仰體

應發還者嘉是覽之

聖慈即行發還至南昌鎮鹽規并地租及標屬各員鹽

規均可作塘兵鹽菜等用臣先已飭令查議應俟
另案議辦又

奏稱南昌省城七門雖係城守營撥兵看守每門僅
兵四五名今將鎮標兵丁撥出二百二十名內於
七門每門派兵二十五名市口設卡每處派兵十
名其一切需管兼轄仍歸城守現在呈商添設汛
房等語查李蔭樾欲於每門添設標兵二十名每
卡添設標兵十名亦屬加謹巡防之意但又將需

管兼轄考成獨歸城守不特多添汛房糜費帑項
誠恐標營弁兵視為無關考成並不實力查巡而
城守弁兵恃有標兵協查竟致躲閃偷安彼此推
諉轉致貽誤巡防亦未可定應令南昌鎮嗣後多
差弁兵輪流在於各城門以及省城內外要地晝
夜周遊巡查并飭城守營督令原派汛兵實力防
守各期實濟不得仍效叅革總兵陳王章等之怠
忽廢弛如違察出嚴行叅究又

俾互

互相巡防各期實濟是

奏稱各營親丁倒馬朋銀應歸入騎兵項下湊買馬

匹以免私朋等語

臣

查前經江南提督

臣

南天祥

以武職隨糧倒馬俱令自行捐補將額領朋銀以

補營伍買馬不敷之用

臣

以買補營馬兵丁互

相私朋相沿已久弁兵咸各相安各官親丁准其

馬步兼支出自

聖主殊恩使武臣養贍充裕之意親丁之馬即在營額
之內例應餽養足額遇有公務差遣一體撥給應

用若將親丁倒馬責令各負自行捐買將弁如果
勉力從事則養贍必仍不能充裕倘不即行買補
有名無實任意延缺遇有公務差遣將營兵之
馬撥用則苦累仍在兵丁應仍循成規照額領朋
購補以實營伍等因

題准部覆於雍正十二年七月初七日奉

旨依議欽遵在案則江西標營自應一例照舊辦理仍
飭加意稽查如將弁有額外捏名多領入己苦累

所議合宜

兵丁等弊察出即行照例指叅亦可無庸再議以

上三條臣謹分晰據實

奏明是否有當伏乞

皇上睿鑒訓示施行謹

奏

覽

雍正十二年十二月初九日江南總督臣趙宏恩

謹

奏一江西新淦縣通報謝芳輝倚衿多事統眾抗拘

種種不法臣到任後隨即查催復經飭令臨江府

知府等督同該縣印捕員弁量帶兵役設法捕擒

務將首犯獲解江西省城究報一面曉示從前附

和黨從人等速自投首如執迷不悟一併拏解不

得因循踈縱去後茲據知府薄履青稟稱首犯謝

芳輝經原署新淦縣知縣葉重熙訪得該犯來至

沙湖地方伊親皮姓之家隨經密遣丁役捕獲解

該撫帝安已曾奏聞常安亦係實心任事之臣百凡與
到到江西省城等情除飭將黨犯速獲一併嚴究外
之協衷共力精勤不懈革除諸弊整理庶務可也

理合奏

聞

一據江西南贛總兵官李連呈稱龍南縣屬小水
口等處有民人李鳴岐等與廣東爐匠謝乾三等
燒炭砂鐵現在緝拏等情又據永豐縣稟稱豐邑
長坑等處近有廣東福建流寓之人淘沙撿石燒
炭砂鐵鎔鑄營生現在禁逐等情一併到臣臣隨

飛飭文武一面即行封禁一面嚴究此二起私開
鐵廠實係始於何日同夥若干立蓬設窰共有若
干座所鑄鐵斤運販何處該地文武平日有無納
賄縱容情弊據實另報并通行各屬一體留心查
禁其有應行開採以民用之處亦即明白報酌
不得蔽混理合

是

奏明

一據江西鉛山縣知縣俞士烺鉛山營都司楊兆

麟等稟稱訪得河口地方有邪教陳大膽當經拏
獲訊據供稱素習拳棒刀鎗并會符水又稱原係
江南道人蕭漢文所傳蕭漢文現寓江西省城有
齋堂經卷名大成教并有絞劊徒弟等語臣星飛
密飭文武上緊追拏夥黨務期全獲一面將已獲
之犯嚴加審究飛報毋得絲毫踈縱理合奏

好

聞

一江西各關侵隱不清臣風聞未確隨密會撫臣

常安就近細查已經

奏明在案今據查出潯贛兩關各負侵混數目并道
負劉均等自行首報當即分別會叅訖但江西官
吏廢弛狡詐積習已深此外尚多巧混隱匿勢所
必有除又密札撫臣常安再加徹底根究外臣仍
不時密察暗訪務期貪蠹不致輕脫合併陳明謹
奏

覽

同日又

奏一江省各營馬匹戰船等項臣密委文負點驗先
經

奏明在案昨經察出京口水師左營額馬缺少及半

臣隨具疏

題叅緣該營係隸京口將軍專轄歷來不無岐視以
致虧缺如許其各鎮標協營縱有虧缺或未有如
此之多臣亦在飛催上緊實力驗報倘稍有缺短

亦即叅究務期將弁知儆營伍充實恐塵

好
聖懷理合奏

聞

一安慶省屬壽州等處民多愚悍前經臣訪有李

盛木等結夥行兇有五岳會之名今已據報拏獲

現在催令嚴審擬報又續訪有嚴寬等數十人因

尚無附和行兇實蹟未便概行株連臣即將伊等

姓名開列出示使其警醒再稍有違犯亦即拏究

以免擾害鄉里合併

奏明

一據署崇明縣支本固稟稱據施天一首稱沈姓
大樵山人詩集內有狂悖語句隨拏訊沈自耕供
稱詩集係伊嗣祖沈倫從前所作所刻沈倫已於
雍正十二年九月病故今施天一係因爭田挾嫌
捏首其詩板現存蘇州沈蒼林家等情密稟到

臣

臣 恭查奉頒歷年

上諭內有雍正七年六月十五日

上諭敕審逆黨沈在寬一條曾及沈倫之名是否姓名

字樣偶相符同抑或今被首之沈倫即係嚴鴻達

沈在寬之流似未可定除星飛密調詩集原板細

甚是

加凡似此狂妄之徒自應徹底究懲以靖悖逆風習檢核并飭提沈自耕沈蒼林施天一等徹底查

究另行詳晰具

奏外理合先為奏

聞

一江寧省城一帶於十一月二十九日夜大雨三十日得雪百姓歡呼俱稱春麥甚屬有益其三省各屬得雪積深若干現在催查另報江寧米價一兩上下不等各屬米價亦俱平減恐塵

聖懷理合奏

聞謹

奏

覽雨雪米價情形深慰朕之塵念

雍正十二年十二月二十日江南總督臣趙宏恩

謹

奏一江寧省城一帶前月得雪奏

聞在案今於十二月十五日又得微雪又查據江寧蘇州鎮江常州揚州安慶寧國太平池州廬州鳳陽滁州和州廣德六安潁州泗州十七府州所屬州縣呈報於十一月三十及十二月初一等日各得雪積厚四五寸及寸餘不等其尚未報到之各府

州并江西各府所屬地方得雪情形現在查催另
報合併陳明至現今民間食米上下江各府州縣
每石價值至貴亦不過一兩一二錢且價在一兩
以內者甚多江西之米每石更僅值七八九錢不
等三省米價總較向年大屬平減頃據署江寧糧
道王恕稟稱親至上江一帶督兌漕糧經過太平
池州安慶等府屬地方目睹米價平減民情安和
隆冬歲臘之時間閭頗有盈寧熙皞之象道途未

見貧寒乞食之人大江南北漁火商帆絡繹上下
咸各寧謐等語此皆

聖主休養生息隆恩疊沛之所致也理合奏

聞以慰

覽奏欣慰何似

聖懷為此謹

奏

一據江西饒州營參將彭肇槐居官何如雖係土
職出身朕觀其才具頗優勝副將任否如以為可用
日有該營兵丁賈廷鈺朱能巡查街道拾獲布帛

與何

協相宜一併奉聞

一箇內有印契二張山圖二張借銀十兩之借字

一張又銀一錠重一兩二錢零該二丁義不私取

據實回稟召到失物之徐祝正認領祝正相酬二

丁堅不受謝等情臣查兵丁賈廷鈺朱能拾獲銀

物既不苟得又不受謝同心嚮義甚屬可嘉當即

優獎

超拔甚是似此一介兵卒能具有重義輕利之心

獎賞仍飭司移營將賈廷鈺朱能優獎超拔以示

當越

格擬按千總以示勸

鼓勵外其事雖微亦人心風俗淳厚之一驗皆

聖主德教漸摩之所致也理合奏

聞謹

奏

覽

同日又

奏為據實縷晰奏

聞事竊臣欽奉

上諭有人奏稱兩淮衆商情願將所壓綱課如數交納
惟催運稍寬其期則商力既舒辦銷亦易等語若果

商人先完課銀於國帑無誤則寬其運鹽之期亦何樂而不為但恐其中別有情由令臣等據實密奏以聞等因欽此臣恭讀之下仰見

皇上至聖至明早知其人之陳奏未必公當確切故欽蒙

聖恩宣示臣等據實密

聞臣查兩淮衆商運行各省之鹽原係先納課銀後運鹽斤然必須將鹽隨即捆運銷售俾得課本速清

方可望其再納次綱之課接運下次之鹽年清年額於

國課商力常有實濟凡屬殷實良商無不自行力圖祇緣衆商之中有種姦頑之輩揚州等處又有一班囤窩之人姦商樂於緩運係圖口岸長價以博厚利囤戶利於壓綱係欲囤買殘引而賣貴價江湖西廣等省鹽價每小色向定一錢二分四釐及隨時銷售原屬良法而至貴亦不過一錢三四分

乃間或每包竟賣至一錢七八分至二錢不等細

查場竈原未缺鹽成本竝無加增此每包多賣三

四五分之銀盡飽姦商囤戶私橐而行引口岸每

當鹽少價昂其貧寒以及刁滑之民非係茹淡以

待價減即係貪賤而買隣私銷食淮鹽之月日半

為姦商囤戶之耽擱以致分年灑欠歷網累壓那

新掩舊牽混躲閃其課雖完其鹽日積口岸疲廢

遺累全淮臣於雍正十二年二月清查時庚辛壬

三綱引目竟尚壓欠四十餘萬癸綱彼時已當運
行三十餘萬而一引未曾抵埠夫從前已經遞壓
一綱戊申一綱又分十年帶運

奏期又已改緩數月今新舊又共壓欠七十餘萬已
及全綱之半不一二年必又積滿一綱之數斯時
若催衆商按綱補運則口岸既不能一年兼食兩
年之鹽而商力又不能一年兼辦兩年之課若再
分年帶運則

國課一年應完者必又拖至十年之久且復夾行帶
戊勢必愈難清理倘若竟行截去一綱

國課即虧缺二三百萬之多此臣與鹽臣高斌於清
查之時即深以為慮者實為

國課衆商大有關係非專為督銷考成起見臣等一
面勸催各商速運舊欠隨一面據實陳

奏嗣蒙

聖諭又經遍加誥誠據各商感戴

皇仁各願踴躍趕運臣等復慮新舊併運引地必致壅
跌商力恐致拮据又將癸丑一綱僅飭源源運濟
緩其按限催較其積壓之引則屬萬難少縱致滋
牽混掩蓋不獨有礙

奏報之案實有關係

國課誠如

諭旨果於國帑無誤寬期何樂而不為也細訪此番行
引地方因緝私日加嚴切轉輸便利亦無匱乏之

象如此行之三四年則壓欠或可帶銷通完將來
漸復

奏銷原限并從前所壓一綱或可次第調劑臣等愚
昧之見採之兩淮商情亦所樂從其有未能盡合
者乃係貪圖目前厚利之姦商困戶見其破除痼
弊不利已私因臣實力圖公難通賄賂於夏秋之
間布散流言在聞者不悉原委不察近日衆商確
情不知有闕將來

國課故以一面之詞冒昧陳奏緣蒙

聖主預燭隱微

敕令臣等據實密聞除同鹽臣高斌會

奏外所有前項隱情合併據實縷晰奏

聞臣趙宏思謹

奏

覽奏已悉議論殊屬通透之至即照此隨時酌宜盡力督理可也兩淮鹽政經汝二人此番措畫而不能徹底

釐剔則無可望清晰之日矣勉之



硃批諭旨卷二百十六之四



總校官庶吉士臣侍朝

校對官編修臣莫瞻菴

謄錄監生臣王翰